

唐  
音  
統  
籤

丁籤八十七

唐音統籤卷

三百八十五

柳宗元字子厚河東人少精敏絕倫為文章卓犖  
精緻下筆與古為侔尤擅西漢詩騷一時行輩推  
仰貞元初第進士再舉宏詞歷監察御史裏行順  
宗時王叔文引入禁近計事轉禮部員外郎叔文  
敗坐貶永州司馬斥地荒癘堙厄感鬱自放山澤  
間一寓諸文覽者為之悽惻元和十年移柳州刺  
史江嶺間為進士者不遠數千里從受業著述之  
盛名動於時號為柳柳州卒官年四十七集四十  
五卷內詩二卷今編為六卷

司空圖曰子厚詩在  
陶淵下章應物上退

之豪放奇險則過之而溫麗靖深不及也所貴於  
枯淡者謂外枯而內膏似淡而實美淵明子厚之  
流是也若中邊皆枯亦何足道蘇子瞻云李杜  
詩人雄出雖有遠韻牙不逮意獨韋應物柳子厚  
發纖穠於簡古寄多味於淡泊家體唯學陶是其  
子蒼云柳州詩不多亦倚衆家體唯學陶是其  
性所好獨不可及西漢詩話云子厚詩雄傑簡  
淡洵拔流俗元至味自高直揖陶謝然似入武庫  
覺森嚴王元美曰柳州體古刻削雖工去陶謝  
自遠近殊卑凡被黨人有其名不可滿洗本朝文  
當王叔文用事時柳宗元呂溫數君子述作理意  
范公曰劉禹錫柳宗元呂溫數君子述作理意精  
密涉道非淺如叔文果狂甚必不交叔文人望輕  
然傳稱中人真權論理道其引劉柳等次事禁中  
議罷劉淵意非忠乎會順宗病篤韋臯私請欲斬  
支使劉淵意非忠乎會順宗病篤韋臯私請欲斬  
宗意請監國而誅叔文子厚章名為堂人者豈復  
見雪史書因其成敗書之無所裁正耳嗚呼如范  
公之論人可謂明且恕稱及新安張敦頤吾辨今  
章孫韓張董鄭數家注鐸及新安張敦頤吾辨今

猶取一二條解詁餘不聚錄  
厚詩世與韋應物並稱然子厚之工緻乃不若蘇  
州之蕭散自然

四言古詩

平淮夷雅并表  
平淮西碑云左餐石粥何如平淮歌

夷雅仰父俯子又云韓碑並有惴惴子使我和

為之便說用兵討叛之類皆韓元制

聖德平淮西柳雅章之類皆韓元制

述如注能率然皆以謂封建論退之所無

蘇云論柳文者皆以謂封建論退之所無

淮西雅韓文不逮以謂封建論退之所無

巨宗元言臣負罪竄伏遑尚書賤奏十有四年

聖恩寬宥命守遐壤懷印綬有社有人臣宗

元誠感誠荷頃首頓首伏惟唐聖文武皇帝陛下

下天造神斷克清大慙金鼓一動萬方畢臣太

乎之功中興之德推較千古無所與讓臣伏自

付度有方測之力不得備戎行致死命况今已

舊唐書卷一百八十五

無事思報國恩獨惟文章伏見周宣王時稱中  
興其道彰大子復罕及然微于詩大雅其選  
徒出將則車攻吉日命官分土則嵩高韓奕燕  
人南征北伐則六月采芣平淮夷則江漢常武  
鏖鉤鉅耀過人耳目日故宣王之形容與其輔佐  
由今望之若神人耳然此無他以前雅故也臣伏見  
陛下自即位以來平夏州夷創南取江東定河  
北今又發自天哀克翦雖多而大雅不臣敢專  
不佞然不勝情慙伏以朝多文臣不敬盡專數  
事謹撰平淮夷雅二篇雖不及尹吉甫召穆公  
等庶施諸後代有以佐唐之先明謹昧死再  
拜獻宗元誠恐懼頌首頓首謹言再

皇武命丞相度董師集大功也相裴度為中書侍郎

即同平章事充西宣  
歷度置使討吳元濟

皇蒼其武于澌于淮激水名唐潁州既巾乃車環蔡

其來狡衆昏囂甚毒于醒狂奔叫呶以干大刑

皇咨于度惟汝一德曠誅四紀其徯汝克錫汝斧

鉞其往視師是蔡人以宥以釐  
音禧

度拜稽首廟于元龜既禡既類于社是宜金節煌

煌錫盾雕戈犀甲熊旂威命是荷

度拜稽首出次于東天子餞之度赴淮西上御壘

竿是崇鼎牖俎載五獻百籩凡百卿士班以周旋

既涉于滌乃翼乃前孰圖厥猶其佐多賢度表馬

愿副使韓愈為行軍司馬李正封宛宛周道于山

于川遠揚邇昭陟降連連

我旆我旗于道于陌訓于羣帥拳勇來格公曰徐

之無恃頌式和爾容惟義之宅

進次于郾許州郾城縣與蔡州為鄰彼昏卒狂哀兇鞠頌蜂蟬

斧蟾赤子匍匐厥父是亢怒其萌牙以悖太陽

王旅渾渾是佚是怙既獲敵師老饑得舖音步蔡兇

伊窘悉起來聚左擣其虛靡愆厥慮李祐言于李愬曰蔡之精

兵皆在洹曲及四境拒守守城者皆羸卒可乘虛直抵愬從之遂克蔡州

戴闢載被丞相是臨李萬餘人入蔡州施其武刑

諭我德心其危既安有長如林曾是謹詭化為謳

吟

皇曰來歸汝復相予爵之成國一作公于昨以夏

有晉誤

區

度蒙勲晉國公度拜稽首天子聖神度拜稽首

皇祐下人

淮夷既平震是朔南宜廟宜却以告德音歸牛休  
馬豐稼于野我武惟皇永保無疆

右皇武十有一章七八句

方城命愬守也卒入蔡得其大醜以平淮右

方城山名

在唐州元和十一年以李愬為唐鄧節度使與元潛戰數有功明年冬愬乘大雪夜馳至蔡城破

其門取元濟以獻

方城臨臨王卒峙之匪徼匪競皇有正命皇命于

愬往舒余仁路彼艱頑柔惠是馴



精義集  
恩拜即命于皇之訓既礪既攻以後厥办王師嶷  
嶷熊羆是式衛勇韜力日思予殛

寇昏以狂敢蹈愬疆士獲厥心大袒高驤長戟商  
予繫其綏章右剪左屠聿禽其良

謂元濟驍將丁士良吳秀琳及

秀琳謀主陳光洽諸人也

其良既宥告以父母恩柔于肌卒貢爾有維彼攸  
恃乃偵乃誘

愬厚待秀琳與謀取蔡秀琳曰非得李祐不可愬擒祐釋不殺用其策有

功維彼攸宅乃發乃守

其恃爰獲我功我多陰謀厥圖以究爾訛雨雪洋  
洋大風來加于燠其寒于通其遐

汝陰之范縣瓠之峨

縣瓠蔡州城

是震是拔大穢厥家

狡虜既縻輸于國都示之市人即社行誅

乃諭乃止蔡有厚喜完其室家仰父俯子汝水汙

汙既清而瀾蔡人行歌我步逴遲

蔡人歌矣蔡風和矣孰類蔡初胡孰爾居式慕以

康為愿有餘是究是咨皇德既舒

皇曰咨懇裕乃父功昔我文祖惟西平是庸

懇父嚴事

德宗平東此之亂封西平王

內誨于家外刑于邪孰是蔡大而

不率從

蔡人率止惟西平有子西平有子惟我有臣疇允

大邦

漢書時其爵邑時寺也蔡平以愬檢校尚書

唐復鄧均房

裴州刺史充山南東道節度裴鄧隋

右方城十有一章章八句按此篇十有一

事為章武高功韓柳二詩者皆以平淮西一

災之餘併天紫唐地也元濟唐臣也三州困鬻

慶有觀而自矣昔魏太祖時國淵破田銀

蘇伯于河間反上首級如真寔數太祖問

其故淵曰河間封內之葛孔明出祁山而南

敵有攻安淵竊恥之諸葛孔明家還漢中蜀

人皆賀孔明感容曰普天之下一莫非漢民

以此為賀能不為愧然則庶望平藩鎮之

逆又果足形于歌詠乎二子之見亦韓柳

及者矣

貞符詩

此詩仿司馬相如封禪文頌唐宗正

為貞符他珍瑞不為符宋景文以大指言仁德

不載

於穆敬德黎人望之惟貞厥符浩浩將之仁函于

膚刃莫畢屠澤燠于爨鬻

結也方味切

炎以澣珍厥凶

德乃毆乃夷懿其休風是煦是吹父子熙々相寧

以嬉賦徹而藏厚我糗糧刑輕以清我肌靡傷貽

我子孫百代是康十聖嗣于治仁后之子子思孝

父易患于一作丁

已拱之戴之神其爾宜載揚于雅

承天之嘏天之誠神宜鑒于仁神之曷依宜仁之

歸濮汾于北祝栗于南

爾雅東泰遠西邠國南  
濮汾北祝栗為四極幅

員西東祇一乃心祀唐之紀後天罔墜祝皇之壽

與他咸久曷徒祝之心誠篤之神協人同道以告

之

告姑  
沃切

俾彌億萬年不震不危我代之延永永毗

之仁增以崇曷不爾思有號于天僉曰嗚呼咨爾

皇靈無替厥符

### 眎民詩

帝眎民情匪幽匪明慘或在腹已如色聲亦無動

威亦無止力弗動弗止惟民之極帝懷民眎乃降

明德乃生明翼明翼者何廼房廼杜惟房與杜實

為民路廼定天子廼開萬國萬國既分廼釋靈民  
廼學與仕廼播與食廼鬼與用廼貨與通有作有  
遷無遷無作士實蕩上農實董上工實蒙上賈實  
融上左右惟一出入惟同攝儀以引以遵以肆音  
其風既流品物載休惟天子守乃二公之久惟天  
子明乃二公之成惟百辟正乃二公之令惟百辟  
穀乃二公之祿二公行矣弗敢憂緩是獲憂共二  
公居矣弗敢泰止是獲泰已既柔一德四夷是則  
四夷是則永懷不忒

樂府

唐鏡歌鼓吹曲

并表

負罪臣宗元言臣幸以罪居永州受食府庫竊  
活性命得視息無事治時恐懼小間又盜取古  
書文句聊以自娛伏讀漢魏以來代有鏡歌鼓  
吹詞唯唐獨無有臣為郎時以太常禮部常  
閑鼓吹者有戎樂詞獨不列今又考漢曲十二  
篇漢歌詞不明紀功德魏晉歌功德其今臣  
取晉魏叢用漢篇數為唐鏡歌鼓吹曲十二篇  
紀高祖太宗功能之神奇因以知取天下之勤  
勞命將用師之艱難每有戎事治兵振旅幸歌  
臣詞以為容且得大戒宜敬而不害臣論景即  
死言與不言其罪等耳就冀能言有  
益國事不敢效怨慙思已謹冒死上

隋亂既極唐師起晉陽平姦豪為生人義

主以仁興武為晉陽武第一

晉陽武奮義威煬之渝德焉歸祇畢屠綏者誰皇

烈烈專天機號以仁揚其旗日之昇九土晞訴田

圻一作斥流洪輝有其二翼餘隋斯巢鷺鷺不祥鳥也

連態踣枯以由初者羸后土蕩玄穹彌合之育莽

然施惟德輔慶無期

唐既受命李密自敗來歸以開黎陽斥東

土為獸之窮第二

獸之窮奔大麓天厚黃德狙獷服甲之橐弓弭矢

箠皇旅靖敵逾蹙自亡其徒匪予戮屈贊贊音猛

賦韻無贊字或當作驢音暴虔慄慄康以尺組噉以秋蔡之陽

土范音音富兵戎盈倉箱乏者德莫能享音音驅射



咒授我疆

太宗師討王充建德助逆師奮擊武牢下擒之遂降充為戰武牢第三

戰武牢動河朔逆之助圖犄角怒敵靡抗喬嶽翹萌芽傲霜電王謀內定申掌握鋪施芟夷二主縛悍華戎廓封畧命之魯卑以斲歸有德唯先覺

薛舉擬涇以死子仁果尤勇以暴師平之為

涇水黃第四

涇水黃隴野茫負太白騰天狼有鳥驚立羽翼張鈎喙決前鉅趯傍怒飛戲嘯翔不可當老雄死子

復良巢岐飲渭肆翱翔頓地紘提天綱列缺掉機  
招搖耀鉞鬼神來助夢嘉祥腦塗原野魄飛揚星  
辰復恢一方

輔氏憑江淮竟東海命將平之為奔鯨沛  
第五

奔鯨沛盪海垠吐霓翳日腥浮雲帝怒下顧哀墊  
昏授以神柄維元臣手授天子戟修鱗披攘蒙霧  
開海門地平水靜浮天根羲和顯耀乘清氛赫炎  
溥暢融大鈞

梁之餘保荆衡巴巫窮南越良將取之不

以師為苞拊

拊伐餘木也

第六

苞拊黜矣

韻無黜字疑作

惟根之蟠彌巴蔽荆負

南極以安曰我舊梁氏

曰音

緝綏艱難江漢之阻

都邑固以兒

完音

聖人作神武用有陸勇智奮不以

衆投跡死地謀猷縱化敵為家慮則中浩浩海裔

不威而同係縲降王定厥功澶漫萬里宣唐風蠻

夷九譯咸來從凱旋金奏像形容震赫萬國罔不

龔

音恭義同

李軌保河右師臨之不克變或軌以降為

河右平第七

河右澶漫頽為之魁王師如雪震崑崙以頽上聾  
下聰驚不可迴助警抗有德惟人之災乃潰乃奮  
執縛歸厥命萬室蒙其仁一夫則病濡以鴻澤里  
之聖威畏德懷功以定順之于理物咸遂厥性

突厥之太古莫狄莫強焉師大破之降其

國告于廟為鐵山碑第八

鐵山碑大漠紆二虜勁連穹廬背北海專坤隅歲  
來侵邊或傳于都天子命元帥奮其雄圖破定襄  
降魁渠窮竟窟宅斥余吾百蠻破膽邊氓藉威武  
燿耀明鬼區利澤彌萬祀功不可踰官臣拜手惟

帝之謨

劉武周敗裴寂咸有晉地太宗滅之為靖

本邦第九

本邦伊晉惟時不靖根柢之搖枝葉攸病守臣不  
任勤于神聖惟鐵之興翦焉則定洪惟我理武和  
以敬群頑既夷庶績咸正皇謨載大惟人之慶

李靖滅吐谷渾西海上為吐谷渾第十

吐谷渾盛彊背西海以夸歲侵擾我彊退匿險且  
遐帝謂神武師往征靖皇家烈々旆其旗熊虎雜  
龍蛇王旅千萬人銜枚默無譁束刃踰山徼張翼

縱漢沙一舉刈羶腥尸骸積如麻除惡務本根况  
敢遺萌芽洋洋西海水威命窮天涯係虜來王都  
犒樂窮休嘉登高望還師竟野如春華行者靡不  
歸親戚謹要遮凱旋獻清廟萬國思無邪

李靖滅高昌為高昌第十一

貞觀十三年命侯君集率

薛萬鈞等擊高昌以其地為西州據新舊  
史高昌傳及李靖傳皆不見靖滅高昌事  
題云靖滅高昌無所考

麹氏雄西北別絕臣外區既時遠且險縱傲不我  
虞烈烈王者師熊羆以為徒龍旂翻海浪駟騎馳  
坤隅貴育搏嬰兒一掃不復餘平沙際天極但見

黃雲驅臣靖執長纓智勇伏囚拘文皇南面坐夷狄千群超咸稱天子神往古不得俱獻號天可汗以覆我國都兵戎不交害戎一作戎各保社與軀

既克東蠻羣臣請圖蠻夷狀如周書王會為東蠻第十二

東蠻有謝氏冠帶理海中自言我異世雖聖莫能通王卒如飛輪鵬騫駭群龍轟然自天墜乃信神武功繫虜君臣人累累來自東無思不服從唐業如山崇百辟拜稽首咸願圖形容如周王會書永永傳無窮睢盱萬狀幸明喁九譯重廣輪撫四海

浩浩知皇風歌詩饒鼓間以壯我元戎

古東門行

樂府有東門行長安城東門也此詩自諷當時盛殺武元衛事元衛

出靜安里東門遇害借月之也

漢家三十六將軍

漢七國及周亞夫將三十六將軍擊吳楚東方雷動

橫陣雲雞鳴函谷客如霧貌同心異不可數赤尤

夜語飛電光微巡司隸眠如羊當街一叱百吏走

馮敬胄中丞七首兇徒側耳潛懼心悍臣破膽皆

杜口魏王卧内藏兵符子西掩袂真無辜羗胡穀

下一朝起敵國舟中非所擬安陵誰辨削礪工

王使人刺袁盎安陵郭門外刺者置其劍問韓國

長安則礪工以此知而發覺之工詩一作功



詎明深井里絕腰斷骨  
下補秦晉謂肌曰腰音

一作萬金寵贈不如土

行路難三首

三首意皆有所諷上篇謂志大

方之短人不足終天年蓋自謂也中篇謂人才衆多國家不能愛養天下多事嘆無可用之才蓋言同輩諸公一時貶黜之意也下篇謂物適其時則無有不貴及時異事遷貴者反賤言前日居朝行今日取黜之意也常是貶永州後作

君不見夸父逐日窺虞淵跳踉北海超崑崙披霄

決漢出沅瀟瞥裂左右遺星辰須臾力盡道渴死

狐鼠蜂蟻爭噬吞北方神人長九寸開口抵掌更

笑喧啾々飲食滴與粒生死亦足終天年睢盱大

志小成遂坐使兒女相悲憐

虞衡斤斧羅千山工命採斫與椽溪林土剪十  
取一百牛連軟摧雙轅萬圍千尋妨道路東西蹶  
倒山火焚遺餘毫末不見保躡蹠礪整何當存群  
材未成質已天突兀嶠豁空岳巒栢梁天灾武庫  
火匠石狼顧相愁冤君不見南山棟梁益稀少愛  
才養育誰復論

飛雪斷道冰成梁侯家職炭雕玉房蟠龍吐耀虎  
喙張熊蹲豹躡爭低昂攢巒叢嶂射朱光丹霞翠  
霧飄奇香美人四向迴鳴璫雪山水谷晞太陽星

纏奔走不得止  
奄忽雙燕棲紅梁  
風臺露榭生光  
餘死灰棄置參  
與商盛時一去  
貴反賤  
桃李榮  
安可當

渾鴻臚宅聞歌効白紵

翠帷焚卷出傾城  
龍劍破匣霜月明  
朱唇掩抑悄無聲  
金簧玉磬宮中生  
下沉秋水激太清  
天高地迥凝日晶  
羽觴蕩漾何事傾

楊白花

許參周詩話子厚樂府楊白花言婉而情深絕唱也  
劉辰翁云語調通

典事情俱美餘音香者  
惜不令連臂者歌之

楊白花  
風吹度江水  
坐令宮樹無顏色  
搖蕩春光

千萬里  
茫茫曉日下長林  
哀歌未斷城鷄起

丁籤八十七柳宗元之二

唐音統籤卷

三百八十六

五言古詩一

感遇二首

西陸動涼氣  
驚鳥號北林  
棲息豈殊性  
集枯安可任  
鴻鵠去不返  
勾吳阻且深  
徒嗟日沉湎  
九鼓驚竒音  
東海久搖蕩  
南風已駸々  
坐使青天暮  
小星愁太陰  
衆情嗜姦利  
居貨損千金  
危根一以振  
齊斧來相尋  
攬衣中夜起  
感物涕盈襟  
微霜衆所踐  
誰念歲寒心

旭日照寒野  
鷺新起蒿萊  
啁啾有餘樂  
飛舞西陵

片  
隅迴風旦夕至零葉委陳芟所棲不足恃鷹隼縱  
橫來

三良

東帶植明后顧眄流輝光一心在陳力鼎列夸四  
方款款効忠信思義皎如霜生時亮同體死後寧  
分張壯軀閉幽隧猛志填黃腸殉死禮所非况乃  
用其良霸基弊不振晉楚更張皇疾病命固亂魏  
氏言有章從邪陷厥父吾欲討彼狂

一作  
彼康

詠荊軻

燕秦不兩立太子已為虞千金奉短計匕首荊卿

趨窮年狗所欲兵勢且見屠微言激幽憤怒目辭  
燕都朔風動易水揮爵前長驅函首致宿怨獻田  
間版圖炯然曜電光掌握罔正夫造端何其銳臨  
事竟趑趄長虹吐白日倉卒反受誅按劍赫憑怒  
風雷助號呼慈父斷子首狂走無容軀夷誠芟七  
族臺觀皆焚污始期憂患弭卒動災禍樞秦皇本  
詐力事與桓公殊李何効曹子實謂勇且愚世傳  
故多謬太史微無且

詠史

燕有黃金臺遠致望諸君噉々事強怨三歲有奇

勲悠哉關疆理東海漫浮雲寧知世情異嘉穀坐  
煇焚致令委金石誰顧蠢蠕羣風波歟潛構遺恨  
意紛紜豈不善圖後交私非所聞為忠不內顧晏  
子亦垂文

獨覺

覺來牕牖空寥落兩聲曉良遊怨遲暮末事驚紛  
擾為問經世心古人誰盡了

覺衰

久知老會至不謂便見侵劉云眼前事眼前語今  
能通人所不能道  
年宜未衰稍已來相尋劉又云跌  
怒動人  
齒疎髮就種奔



走力不任咄此可奈何未必傷我心彭聃安在哉  
周孔亦已沉古稱壽聖人曾不留至今但願得美  
酒朋友常共斟劉云其最近然意尤佳是時春向暮桃李生  
繁陰日照天正綠一作碧杳杳歸鴻吟出門呼所親  
扶杖登西林高歌足自快商頌有遺音劉云怨之又怨而疑

飲酒

筆墨間錄云飲酒詩絕似淵明

今旦少愉樂起坐開清罇舉觴酌先酒遺我驅憂  
煩須臾心自殊頓覺天地暄連山變幽晦淥水函  
晏溫藹南郭門樹木一何繁清陰可自庇竟夕

聞佳言盡醉無復辭僊卧有芳孫披哉晉楚富此  
道未必存

讀書

幽沉謝世事恍然窺唐虞上下觀古今起伏千萬  
途遇欣或自笑感戚亦以吁縹帙各舒散前後互  
相逾瘴疴擾靈府日興往昔殊臨文乍了了徹卷  
兀若無集有與楊京兆書云往時讀書自以不至  
底滯今皆頑然無復省錄每讀古人一傳  
數紙已後則再三伸卷復觀姓名旋竟夕誰與言  
又廢失即此所謂徹卷兀若無者  
但與竹素俱倦極更倒卧熟寐乃一蘊欠伸展支  
體吟咏心自愉得意適其適非願為世儒道盡即

閉口蕭散捐因拘巧者為我拙智者為我愚書史足自悅安用勤與劬貴爾六尺軀勿為名所驅

晨詣超師院讀禪經

詩眼云一段至誠潔淨之意參然在前本末立

意遣詞曲盡其妙劉辰翁云妙處言不可盡然去淵明尚遠是唐詩中轉換耳

汲井漱寒齒清心拂塵服閒持貝葉書步出東齋

讀真源了無取妄跡世所逐遺言真可冥繕性何

由熟道人庭宇靜苔色連溪竹日出霧露餘青松

如膏沐

詩眼云予家舊有大松偶見露洗而霧披真如洗沐未乾染以翠色然後知此語能

傳造化之妙

澹然離言說悟悅心自足

溪居

久為簪組累幸此南夷謫閑依農圃鄰偶似山林  
客曉耕翻露草夜榜響溪石來往不逢人長歌楚

天碧

劉辰翁云境與神會不由思得欲重見自難耳

如居歲暮

屏居負山郭歲暮驚離索野迥樵唱來庭空燒燼  
落世紛因事遠心賞隨年薄默々諒何為徒成今  
與昨

零陵春望

平野春草綠曉鶯啼遠林日晴瀟湘渚雲斷岫嵒  
岑仙駕不可望世途非所任凝情空景慕萬里蒼

梧陰

夏夜苦熱登西樓

苦熱中夜起登樓獨寒衣山澤凝暑氣星漢湛光  
輝火晶燥露滋野靜停風威揆湯波陰井竭電開  
重扉憑欄久徬徨流汗不可揮莫辨亭毒意仰訴  
璿與璣諒非姑射子靜勝安能希

中夜起望西園值月上

覺聞繁露墜開戶臨西園寒月上東嶺泠泠疎竹  
根石泉遠逾響山鳥時一喧倚楹遂至旦寂寞將  
何言

構法華寺西亭

集有永州法華寺西亭記云  
余時謫為永州司馬外常員

而心得無事乃取宮之秋祿以  
為亭其高且廣蓋方丈者二焉

竅身楚南極山水窮險艱步登最高寺蕭散任疎  
頑西岳下斗絕欲似窺人寰反如在幽谷榛翳不  
可攀命童恣披翦葺宇橫斷山剗如判清濁颺若  
昇雲間遠岫攢衆頂澄江抱清灣夕照臨軒陞棲  
鳥當我還蒞蒨蒨溢嘉色質營遺青斑神舒屏羈鎖  
志適忘幽潺素逐久枯槁迄今始開顏賞心難久  
留離念來相關北望間親愛南瞻雜夷蠻置之勿  
復道且寄須臾閑

界圍巖水簾

元和十年春正月自  
永州召還經岩下

界圍匝湘曲青壁環澄流懸泉聚成簾羅注無時  
休韻磬叩凝碧鏘々徹巖幽丹霞冠其顛想像凌  
虛游靈境不可狀鬼工諒難求忽如朝玉皇天冕  
垂前旒楚臣昔南逐有意仍丹丘今我始北旋新  
詔釋縲囚采真誠眷戀許國無淹留再來寄幽夢  
遺貯催行舟

再至界圍巖水簾遂宿巖下

是年出刺柳州  
五月復經此

發春念長違中夏欣再覩是時植物秀若臨玄  
圃歆陽訝垂冰白日驚雷雨笙簧潭際起鸛鶴雲

間舞古苔凝青枝陰草濕翠羽蔽空素彩列激浪  
寒光聚的礫沉珠洲鏘鳴捐珮浦幽巖画屏倚新  
月玉鉤吐夜涼星滿天忽疑眠洞府

法華寺西亭夜飲

得酒字

祇樹夕陽亭共傾三昧酒霧暗水連階月明花覆  
牖

筆墨間錄云句律如謝臨川

莫厭罇前醉相看未白首

法華寺石門精室三十韻

其有記云寺居永州地最高

拘情病幽鬱曠志寄高燕願言懷名緇東峰旦夕  
仰始欣雲雨霽尤悅草木長道同有愛弟披拂恣  
心賞松谿窅窅入石棧黃緣上蘿葛綿層甍

葛一作葛



莓苔侵標榜密林互對聳絕壁儼雙敞壑峭出蒙  
籠墟嶮臨滉漾稍疑地脉斷悠若天梯往結構罩  
羣崖迴環驅萬象小劫不逾瞬大千若在掌體空  
得化元觀有遺細想喧煩困蟻蟻跼蹐疲魍魎寸  
進諒何營尋直非所枉撰竒極遙矚窮妙閱清響  
理會方在今神開庶殊曩茲遊苟不嗣浩氣竟誰  
養道異誠所希名賓匪余伏起攄藉外獎悅默有  
內朗鑑爾揖古風作鑑一終焉乃吾黨潛軀委韁鎖  
高步謝塵坱蓄志徒為勞追蹤將焉倣淹留值頽  
暮春戀睇遐壤映日鴈聯軒翻雲波泱潐殊風紛

已萃鄉路悠且廣羈木畏漂浮離旌倦搖蕩昔人  
歡違志出處今已兩何用期所歸浮圖有遺像幽  
蹊不盈尺虛室有函丈微言信可傳申旦稽吾額

遊朝陽巖遂登西亭二十韻

永泰初元結自道州至永州愛

其郭中有水石之異得岩與洞以其東向遂以朝陽命名西亭即法華寺西亭也

謫棄殊隱淪登陟非遠郊所懷緩伊鬱詎欲肩夷

巢高巖瞰清江幽窟潛神蛟開曠延陽景迴薄攢

林梢西亭構其巔反宇臨呀庠背瞻星辰興下見

雲雨交惜非吾鄉土得以蔭菁茆羈貫去江介興

同世仕尚函嶠故墅即澧川數畝均肥曉臺館葺

荒丘池塘疏沉坳會有圭組懸遂貽山林嘲薄軀  
信無庸瑣屑劇斗臂因居固其宜厚羞久已包庭  
除植蓬艾隙牖懸蠅蛸所賴山水客扁舟柱長稍  
挹流觴清觴輟野代嘉肴適道有高言取樂非絃  
匏逍遙屏清味澹薄辭喧呶晨雞不余欺風雨聞  
嘒々再期永日閑提挈移中庖

湘口館瀟湘二水所會

九域志瀟湘二水  
在新陽皆永州縣

九疑瀟傾奔臨源委縈迴會合屬空曠泓澄停風  
雷高館軒霞表危樓凌山隈茲辰始微霽纖雲盡  
褰開天秋日正中水碧無塵埃杳杳漁父吟咄々

羈鴻哀境勝豈不豫慮分固難裁升高欲自舒彌  
使遠念來歸流駛且廣汎舟絕訟洄

登蒲洲石磯望橫江口潭島深迴斜對香零

山

山在永洲

隱憂倦永夜凌霧臨江津猿鳥稍已踈登石娛清  
淪日出洲渚淨澄明晶無垠浮暉翻高禽沉景照  
文鱗斐江匯西奔詭恠潛坤珍孤山乃北峙森爽  
棲靈神洄潭或動容島嶼疑搖振陶埴茲擇土蒲  
魚相與隣信美非所安羈心屢逡巡結良可解  
紆鬱亦已伸高歌返故室自調非所欣

南澗中題

永州諸記自朝陽若東南水行至

渠二窮為石澗石澗在南某有石澗記即

此率蘇東坡云子厚南遷後詩清勁徐

大率類此又云柳儀曹南澗詩憂中有樂

樂中有一憂蓋純妙古今矣然老杜云王侯

與蟻蟻同盡隨止墟儀曹何憂之深也

秋氣集南澗獨遊亭午時

選詩補註云此句自迴

風一蕭瑟林影久參差始至若有得稍溪遂忘疲

劉辰翁云精神在此羈禽響幽谷寒藻舞淪漪去

十字遂覺一篇蒼然國魂已游懷入淚空垂孤生易為感失路少所宜

索寞竟何事徘徊祇自知誰為後來者當與此心

期

劉云結得平

遊石角過小嶺至長烏村

永州

志適不期貴道存豈偷生久忘上封事復笑昇天  
行竄逐宦湘浦搖心劇懸旌始驚陷世議終欲逃  
天刑歲月殺憂慄慵疎寡將迎追遊疑所愛且復  
舒吾情石角恣幽步長鳥遂遐征磴迴茂樹斷景  
晏寒川明曠望少行人時聞田鵲鳴風簾冒水遠  
霜稻侵山平稍與人事間益知身世輕為農信可  
樂居寵真虛榮喬木餘故國願言果丹誠四吏反  
田畝釋志東臯耕

與崔策登西山

策字子符集有送崔序云  
廢居八年崔子辛來覲余

鶴鳴楚山靜露白秋江曉連袂度危橋紫迴出林

杪

劉辰翁云參差隱約可盡而不盡

西岑極遠目毫末皆可了重

疊九疑高微茫洞度小迥窮西儀際高出萬象表  
馳景泛頽波遙風遞寒篠請居安所習稍厭從紛  
擾生同胥靡遺壽等彭鏗天震連困顛踣愚蒙怯  
幽眇非令親愛踈誰使心神稍偶茲適山水得此  
觀魚鳥吾子幸淹留緩我愁腸繞

旦携謝山人至愚池

在愚溪

新沐換輕幘晚池風霧清自諧塵外意况與幽人  
行霞散衆山迥天高數鴈鳴機心付當路聊適義

唐詩續集  
皇情

雨後曉行獨至愚溪北池

宿雲散洲渚曉日明村塢高樹臨清池風驚夜來雨予心適無事偶此或賓至

夏初雨後尋愚溪

悠悠雨初霽獨繞清溪曲引杖試荒泉解帶圍新竹沉吟亦何事寂寞固所欲幸此息營<sub>上</sub>嘯歌靜炎燠

遊南亭夜還序志七十韻

夙抱丘壑尚率性資遊遨中為吏役牽十祀空曄



勞外曲徇塵轍私心寄英髦進乏廊廟器退非鄉  
曲豪天命斯不易鬼責將安逃屯難果見凌剝喪  
宜所遭神期固浩浩衆口徒嗷嗷投跡山水地放  
情詠離騷再懷曩歲期容與馳輕舸虛館背山郭  
前軒面江臯重叠間浦溆遞迤驅巖巖積翠浮澹  
灩始疑負靈輦叢林留衝曉石磔迎飛濤曠朗天  
景霽樵蘇遠相號澄潭湧沉鷗半壁跳懸猿鹿鳴  
驗食野魚樂知觀濠孤賞誠所悼暫欣良足褒留  
連俯櫓檻注我壺中醪朶頤蓮芰實擢手持蟹螯  
炊稻視爨鼎鱸鮮聞操刀野蔬盈傾筐頗雜池沼

卷二十一  
七  
筆編慕鼓枻翁嘯咏哺其糟退想於陵子三咽資  
李膺斯道難為偕沉憂安所輜曲渚怨鴻鵠環州  
郡蘭皋暮景迴西岑北流逝滔滔徘徊遂昏黑遠  
火明連艘木落寒山靜江空秋月高歛袂戒還徒  
善遊矜所操趣淺戢長枻乘溪屏輕篙曠望援溪  
竿哀歌叩鳴舫中川恣超忽漫若翔且翱淹泊遂  
所止野風自颼颼澗急驚鱗奔蹊荒饑獸啼入門  
守拘繫悽戚增鬱陶慕士憐未忘懷人首徒搔內  
顧乃無有德輶甚鴻毛名竊久自欺食浮固云叨  
問牛悲鬻鐘說羸驚臨牢永遁刀筆吏寧期簿書

曹中興遂羣物裂壤分鞬橐岷凶既云捕

謂劉開  
伏誅

吳虜亦已鑒

李詩  
伏誅

扞禦盛方虎謨明富伊臯披山

窮木禾駕海逾蟠桃重來越裳雉再返西旅焚左

右抗槐棘縱橫羅鴈羔三辟咸肆宥衆生均履燠

安得奉皇靈在宥解天殛歸誠慰松梓陳力開蓬

蒿卜室有鄆杜名田占禮滂確谿近餘基阿城連

故濠螟蚘蚘願親燎茶堇甘自孳饑食期農耕寒衣

俟蠶繰及胛足為溫滿腹寧復饕安將蒯及管誰

慕梁興膏弋林毆雀鷄漁澤從鱖魴觀象嘉素履

陳詩謝千旄方託麋鹿羣敢同騏驥槽處賤無溷

濁固窮匪淫滔踉蹌辭束縛悅懌換煎熬登耳從  
負版興役趨伐擊目眩絕渾渾耳喧息嘈嘈茲焉  
畢餘命富貴非吾曹長沙哀紉纏漢陰嗟桔槔苟  
伸擊壤情機事息秋毫海霧多翳鬱越風饒腥臊  
寧唯迫魑魅所懼齊煮薦知瑩懷褚中范叔戀綈  
袍伊人不可期慷慨徒忉忉

丁籤八十七柳宗元之三

唐音統籤卷

三百八十七

五言古詩二

巽公院五詠

重巽居永州龍興寺  
巽公院五詠取類各精切非復  
子厚巽公院五詠取類各精切非復  
繼肆而作隨其題視之其工可知也

淨土堂

結習自無始淪溺窮苦源  
流形及茲世始悟三空  
門華堂開淨域圖像煥且繁  
清冷焚衆香微妙歌  
法言稽首規導師起遙謝塵昏

曲講堂

寂滅本非斷文字安可離  
曲堂何為設高士方在

斯聖默寄言宣分別乃無知趣中即空假名相與  
誰期願言絕聞得忘意聊思惟

禪室

發地結菁茆團々抱虛白山花落幽戶中有忘機  
客涉有本非取照空不待析萬籟俱綠生宵然喧  
中寂心境本同如鳥飛無遺跡

芙蓉亭

新亭俯朱檻嘉木開芙蓉清香晨風遠緝彩寒露  
濃瀟灑出人世低昂多異容嘗聞色空喻造物誰  
為工留連秋月晏迢遞來山鐘

苦竹橋

危橋屬幽逕繚繞穿疎林  
迸籜分苦節輕筠抱虛心  
俯瞰涓涓流仰聆蕭蕭吟  
差池下烟日嘲嘈鳴山禽  
諒無要津用棲息有餘音

秋晚行南谷經荒村

杪秋霜露重晨起行幽谷  
黃葉覆溪橋荒村唯古木  
寒花疎寂歷幽泉微斷續  
機心久已忘何事驚麋鹿

首春逢耕者

南楚春候早餘寒已滋榮  
土膏釋原野百犂競所

營綴景未及郊穡人先耦耕園林幽鳥嘯渚澤新  
泉清農事誠素務羈囚阻平生故池想蕪沒遺畝  
當榛荆慕隱既有繫圖功遂無成聊從田父言款  
曲陳此情眷然撫耒耜迴首烟霞橫

田家三首

筆墨閒錄云絕  
有洲明風味

蓊食狗所務驅牛向東阡雞鳴村巷白夜色歸暮  
田札札耒耜聲飛飛來鳥鳶竭茲筋力事持用窮  
歲耳盡輸助徭役聊就空自眠子孫日以長世世  
還復然

籬落隔烟火農談四鄰夕度際秋蛩鳴疎麻方寂



歷蠶絲盡輸稅機杼空倚壁里胥夜經過雞黍事  
筵席各言官長峻文字多督責東鄉後租期車穀  
陷泥澤公門少推恕鞭朴恣狼籍努力慎經營肌  
膚真可惜迎新在此歲唯恐踵前跡

古道饒蒺藜縈迴古城曲蓼花被隄岸陂水寒更  
綠是時收穫竟落日多愁收風高榆柳疎霜重梨  
東熟行人迷去住野鳥競棲宿田翁笑相念昏黑  
慎原陸今年幸少豐無厭饘與粥

初秋夜坐贈吳武陵

武陵元和三年沈永州

稍稍兩侵竹翻翻鵲鷺叢美人隔湘浦一夕生秋

風積霧香難極滄波浩無窮相思豈云遠即席莫  
與同若人抱奇音朱絃絃絃枯桐清商激西顙泛灑  
凌長空自得大無作天成諒非功希聲闕大樸聲  
俗何由聽

零陵贈李卿元侍御簡吳武陵

李元即集中  
小丘記李漢

源元克  
已也

理世固輕士棄捐湘之湄陽光競四溟敲石安所  
施鍛羽集枯幹低昂互鳴悲朔雲吐風寒寂歷窮  
秋時君子尚容與小人守兢危慘悽日相視離憂  
坐自滋樽酒聊可酌放歌諒徒為惜無協律者竊

舉聲但呼天孰知神者誰泣盡日無見準哭母賢

傷足不持漚苑委矣荒滅獲守靈帷平生負國譴

骸骨非敢私蓋棺未塞責孤旒凝寒颺念昔始相

遇肺腑為君知進身齊選擇失路同瑕疵本期濟

仁義今為衆所嗤滅名竟不試世義安可支怙苑

百憂盡苟止萬慮滋願予九逝魂與子各何之我

歌誠自慟非獨為君悲

掩役夫張進骸

劉辰翁云學陶不如此篇逼

理貴自然近亦爭題偶足以致爾故知  
於起處何必有許多理作耶我心得所安  
不謂爾有知保足好又何必說到掩骼春  
令用學問翻出蛇足

生苑悠悠爾一氣聚散之偶來紛喜怒奄忽已復  
辭為役孰賤辱為貴非神奇一朝續息定枯朽無  
妍媸生平勤皂櫪劉秣不告疲既死給轉櫛塋之  
東山基柰何值崩湍蕩析臨路垂斃然暴百骸散  
亂不復支從者幸告余睹之涓然悲猶虎獲迎祭  
犬馬有蓋帷佇立唁爾魂豈復識此為各歸載埋  
瘞溝瀆護其危我心得所安不謂爾有知掩骼著  
春令茲焉適其時及物非吾輩聊且顧爾私

酬賈鵬山人郡內新栽松寓興見贈二首

芳朽自為別無心乃玄功  
天天日放花榮耀將安

窮青松遺澗底擢蔣茲庭中積雪表明秀寒花助  
慈龍幽貞風有慕持以延清風

無能常閑閣偶以靜見名奇姿來遠山忽似人家  
生勁色不改舊芳心再誰榮喧卑豈所安任物非  
我情清韻動等瑟諧此風中聲

商山臨路有孤松往來斫以爲明好事者憐

之編竹成板遂其生植感而賦詩出赴柳州道中作也

有自  
况意

孤松得翠蓋託根臨廣路不以險自防遂爲明所  
誤幸逢仁惠意重此藩籬護犹有半心存時將承

雨露

巽上人以竹間自採新茶見贈爾之以詩人

重契也時居  
永州龍興寺

芳叢鬱湘竹零露凝清華  
漢北雪山客晨朝採靈  
芽蒸烟俯石瀨咫尺凌丹崖  
圓方麗奇色圭璧無  
纖瑕呼兒爨金鼎餘馥延幽遐  
滌慮發真照還源  
蕩俗邪猶同甘露饒佛事  
薰毗耶吐此蓬瀛侶無  
乃貴流霞

茆簷下始栽竹

瘴茆葦為宇溽暑恒侵肌  
適有重脰疾蒸鬱寧所

宜東鄰幸導我櫟竹邀涼颺欣然愜吾志荷鍾西  
巖垂雙壤多怪石壑力已疲江風忽云暮興曳遲  
相追蕭瑟過極浦旖旎附幽墀貞根期永固昭爾  
寒泉滋夜窻遂不掩羽翳寧復持清冷集濃露枕  
簾淒已知綢繆依密葉曉禽棲迥枝豈伊紛蒿間  
重以心慮怡嘉爾亭之質自遠素幽期不見野蔓  
草蓊蔚有華姿諒無凌寒色一作雲色豈與青山辭

種仙靈毗

窮陋闕自養癘氣劇驚煩隆冬之霜霰日夕南風  
溫杖藜下庭際曳踵不及門之有野田吏慰我颺

零魂及言有靈藥近在湘西原服之不盈旬贊躋  
皆騰蹇笑林前即更爲我擢其根蔚、逆光度英  
翹忽已繁晨起自採曝并日通恒喧靈和理內藏  
攻疾貴自源擁覆巡積霧伸舒委餘暄奇功苟可  
徵寧復資蘭蓀我聞時人術一氣中夜存能令深  
息呼吸還歸跟疎放固難效且以藥餌論痿者  
不怠起窮者寧復言神我輔吾足幸及兒女奔

種水

守閑事眼餌採朮東山阿東山出且阻疲榮煩經  
過戒徒斲靈根封植闕天和連爾淵底石徹我度



中沙土膏滋玄涸松露墜繁柯南東自成劫僚統  
紛相羅展步佳色媚夜眠幽氣多離憂可怡孰  
能知其他爨竹茹葉寧慮瘵疢寢留連樹蕙辭  
婉婉來穢歌悟拙甘自足激清愧同波單豹且理  
內高門渡如何

種白蘘荷

四虫化為癘夷俗多所神術猜每腊毒謀甬不為  
仁蔬果自遠至盃酒盈肆陳言甘中必苦何用知  
其真華潔事外飾无病中州人錢刀恐賈害飢至  
益遂巡竄伏常戰慄懷故逾悲辛庶民有嘉草攻

禮事久泯炎帝垂靈編言此殊足珍崎嶇乃有得  
託以全余身紛敷碧樹陰眇昧心所親

新植海石榴

弱植不盈尺遠意駐蓬瀛月寒空堦曙幽夢綠雲  
生冀壤擢珠樹莓苔揜瓊英芳根閔顏色徂歲為  
誰榮

戲題堦前芍藥

凡卉与时謝妍華麗茲晨歛紅酣濃露窈窕留餘  
春孤賞白日謝暄風動搖頻在牕藹芳氣幽臥知  
相親願致漆酒贈悠々南國人

植靈壽木

白華鑒寒水，怡我適野情。  
前超問長老，重復欣嘉名。  
蹇連易衰朽，方剛讎經營。  
敢期齒杖賜，聊且移孤莖。  
叢莠中競秀，分房外舒英。  
柔條乍及植，勁節常對生。  
循翫足忘疲，稍覺步武輕。  
毋能事剪伐，持用資徒行。

自

衡陽

移桂

十餘本

植

零陵

所精舍

往

永州

至

龍興寺後四五  
年移居愚溪

謫官去南商，清湘繞靈岳。  
晨登蕪葭岬，霜景霽紛濁。  
離披得幽桂，芳本欣盈握。  
火耕困烟爐，薪採久

摧剥道旁且不顧  
峯嶺况悠邈  
傾筐壅故壤  
棲息期  
騫騫路遠清涼宮  
一雨悟無學  
南人始珍重  
微我誰先覺  
芳意不可傳  
丹心徒自渥

湘岸移水芙蓉植龍興精舍

有美不自蔽  
安能守孤根  
盈々湘西岬  
秋至風露繁  
麗影別寒水  
穠芳委前軒  
菱荷諒難雜  
反此生高原

早梅

早梅發高樹  
迥映楚天碧  
朔吹颺  
夜香繁  
霜落晚白  
欲爲萬里贈  
香々山水隔  
寒英坐銷落  
何用慰

遠客

南中榮橘柚

橘柚懷貞質受命此方客林耀朱顏晚歲有餘  
芳殊風限清漢飛雪滯故鄉攀條何所歎北望熊

與湘

熊湘二  
山名

紅蕉

晚吳值窮節綠潤含朱光以茲正陽色霜能凌清  
霜遠物世所重旅人心所傷迴睇眇林際城、無

遺芳

藏一  
作城

丁籤八十七柳宗元之四唐音統籤卷十八

七言古詩

跋鳥詞

跋舉一更也此詩及下籠鷹放鷗鷗皆以自况

城上日出羣鳥飛鷗鷗爭赴朝陽枝刷毛伸翼和  
且樂爾獨落魄今何鳥魚乃慕高近白日三足姑  
爾令爾疾無乃飢啼走路傍貪鮮攫肉人所傷翹  
肖獨豆下叢薄口銜低枝始能躍還顧泥塗併蟻  
蟻仰看棟梁防燕雀左右六翮利如刀踊身失勢  
不得高支離無趾猶自免努力低飛逃後患

籠鷹詞

淒風浙漑飛嚴霜蒼鷹上擊翻曙光雲披霧裂虹  
蜺斷霹靂掣電稍平岡浩然勁翮剪荆棘下攫狐  
兔騰蒼茫爪毛吻血有鳥逝獨立四顧時激昂炎風  
溽暑忽然至羽翼脫落自摧藏草中狸鼠足為患  
一夕十顧驚且傷但願清商復為假拔去萬累雪  
閒翔

放鴈鳩詞

楚越有鳥甘且腴嘲、自名為鴈鳩狗媒得食  
不復虞机戒潛設羅置罟羽毛摧折觸籠烟火煽  
赫驚苑厨鼎前芳藥調五味膳夫攘腕左右視齊

王不恐敵觖牛簡子不放邯鄲鴆二子得志猶念  
此况我萬里馬孤因破籠展翅當遠去同類相呼  
莫相顧

丹溪

公易其名爲  
惡溪者是也

少時陳力希公侯許國不復爲身謀風波一跌逝  
萬里壯心免解空縲囚縲囚終老無餘事願卜湘  
西丹溪地却學壽張樊敬侯種漆南園待成器

寄韋珩

初得柳州出東郊道旁相送皆賢豪迴眸多是別  
羣玉獨赴異域穿蓬蒿炎烟六月咽口臭南鴻有



舉不可逃桂州西南又千里灘水關石麻蘭高水

即桂江蘭麻山在桂州理陰森野葛交蔽日懸蛇

尾縣今本作麻蘭恐誤結毬如蒲萄到官教宿賊蒲野縛壯殺老婦且歸

飢行夜坐設方畧籠銅抱鼓手所操奇磨釘骨狀

如箭鬼手脫命爭纖毫今軍噬毒得霍疾支心攬

腹戰与刀爾乘氣少筋骨露蒼白潄汨盈顛毛君

今死之又竄逐辭賦已復窮詩騷神兵廟畧頻破

虜四溟不日清風濤聖恩悅忽念行葦十年踐踏

久已勞幸因解網入鳥獸畢命江海終游遨願言

未累身益光起望東北心滔

漁翁

東坡云詩以奇趣為宗及常合道為趣  
熟味此詩有奇趣然其尾兩句雖不

可

漢翁桓陽西嶽宿曉汲清湘懸楚竹烟銷日出不  
見人歎乃一穀山水綠迴看天際下中流巖上無  
心雲相逐

戲題石門長老東軒

石門長老身如夢  
旗裡成林手所種  
坐來念之非昔人  
萬福蓮花為誰用  
如今七十自忘机  
貪愛都忘筋力微  
莫向東軒春野望  
花開日出雉皆飛  
子年七十魚尊見雄雉相隨因援琴而歌以自  
傷年老忘年七十以是戲之若今人為之便成笑

端矣

龜背戲

其製不可詳觀詩意乃名博塞之類尔狀如龜背因以為名云

長安新技出宮掖喧之初御王侯宅玉盤滴瀝黃

金錢皎如文龜麗秋天八方定位開神卦六甲離

之聲上下投變轉動玄机畢星流霞破相參差四

分五裂勢未已出無入有誰能知乍驚散漫無處

所湏更羅列已如故後言萬事有盈虛終朝一擲

知勝負修門象棋不復貴魏宮粧奩世所棄豈如

瑞質耀奇文願持千歲壽吾君廟堂中筭非余慕

幾可兒女捷紛々

聞黃鵠

倦聞子規朝暮聲不意忽有黃鵠鳴一聲夢斷楚

江曲滿眼故園春意生若溪詩話云感物懷土不

多在目極千里無山河莽際天搖青波王畿優

本少賦役務閑酒熟饒經過此時情烟景深處舍

南巷北遥相語翻日迫度昆明飛凌風邪看細柳

翦我今誤落千萬山身同僞人不思還鄉禽何事

么來此令我心憶桑梓聞聞声迴翅歸務速西林

紫樵行當熟

五言律詩

梅雨

筆墨間錄云

梅實迎時雨落蕊相晚春愁深楚猿桓夢斷越雞

晨海霧連南極江雲暗北津素衣今盡化非為帝

京塵

種柳戲題

柳州刺史種柳江邊談笑為故事推移成昔  
年垂陰當覆地憐幹會參天好作思人樹慚無

惠化傳

北還登漢陽北原題臨川驛

驅車方向闕迴首一臨川多壘非余耻無謀終自

憐亂松知野寺餘雪記山田惆悵樵漁事今還又  
落然

酬徐二中丞普寧郡內池館即事見寄

鵝鴻念舊行虛館對芳塘  
落日明來檻繁花照羽觴  
衆歸滄海近樹入楚山長  
榮賤俱爲累相期在故鄉

朗州賈常員外寄劉二十八詩見促行騎走

筆酬贈

劉尚錫字季厚同姓  
時例召至京師也

投荒垂一紀新詔下荆扉  
疑此莊周夢情如蘇武

歸賜環留連響五馬  
旣征騑不羨衡陽雁  
春來前

後飛

奉和周二十二丈酬郴州侍郎衡江夜泊得

韶州書并附當州生黃茶一封率然成篇代

意之作

韶州即周二十丈

丘山仰德耀天路下征騑夢喜三刀近書熈五載

連凝情江月落屬思嶺雲飛會入司徒府還周

緣歸

荅劉連州邦字

連壁本難雙分符刺小邦崩雲下離水劈箭上尋

江負弩啼寒狄鳴枹驚桓桓遙憐郡山好謝守但

臨臆

善譔驛和劉夢得酬淳于先生

駟在集州之南即淳于翬

放鵲之所

水上鵲已去亭中為又鳴辭因使楚重名為救齊

或荒壠遽千古羽觴難再傾劉伶今日意異代是

同聲劉伶以比禹錫